

介

亭

詩

鈔

介亭詩鈔目錄

皖江江濬源岷雨著

出京

早發北河

過滿城東棣軒四弟

伏城驛野步

失渡

柏鄉旅壁客書西域聞見錄一則言郭罕回國人物

甚異因拈韻紀之

入沙河界

讀邯鄲旅店無名氏題壁語有錄

磁州道上

偶感

岳王廟

郭店晚步

銀條菜

抵汝水橋

讀葉縣王孝子碑

行人語春風

春風語行人

雪夜有懷

宿樊城

渡襄水

望峴山

墮淚碑

大堤行

雪馬行

遊荊州龍山

古廟

贈公安張秀才時泰

宿澧州水榭

早渡蘭江

武陵道上

大龍站

偶題

過桃源

白石埠

上灘

水星寨

舟夜有感

漁子洞

望沅陵諸山

青浪灘

白容塘

橫石灘

白龍山

遊浦市

聞雷

舟中對雨

雨霽

鷓鴣灘

望伏波將軍廟

大鷓鴣灘

登黔陽水閣

舟中夜起

榜人歎

舟過沅水

宿鵝灘聞山館書聲

芷江牧人

晚次羊屏

贈玉屏胡秀才世簪

過玉屏懷洪書舟

宿雞鳴關



自常德至鎮遠舟行二十四日卻寄都門諸同好

飛雲巖

大風洞

自鎮遠至貴州肩輿行八日

貴州省垣有作

登甲秀樓

早發貴陽

清明日途中有懷

蘆荻哨口號

望金鰲山

石板房

登安順城

登鎮宣城

不寐

白水河

永宣道上

望鳳凰山

卽岱檄百舌

拉幫坡

自毛口行歷諸坡

老鷹巖

南車坡

八雲南界

登關嶺觀諸葛武侯平南碑

板橋偶成

八省城

屠二笏巖紳由尋甸收移官廣州別篤出梅花冊子

索詩偶成長句卽贈

和袁十三蘇亭文揆贈行元韻卽以誌別

行部納樓

抵波巖

渡澧社江

潮音寺東樓眺望

偶感

過官廳

示納樓民

旋署遇雨

雨中歎輿子

附錄南旋草

二十七首

道武清

次滄州

宿二十里埠

早發東昌

野步

阿城宿雨

入法明寺

食菜

濟寧待闈

遊南池

拜少陵祠

望太白樓

謁

仲廟

夜過南陽

泊馬家埠

眺嶧湖

中秋邳州對月

渡河

旣濟廟前觀舟

過淮安

下寶應

揚州歸思

儀徵有懷

燕子磯

雙忠廟

舟中玩菊

弔二生祠



介亭詩鈔

皖江江濬源岷雨著

出京

領郡馳南服旌旄啓

帝都朋好列祖帳握手同踟躕豈謂萬里程山川多險迂  
相期貞素履黽勉勵前途褰衣走捷徑何如步康衢  
行行保終始榮名屬吾徒

早發北河

在定興縣

涼宵河畔客警枕戒裝行月漾寒流影風催落葉聲

勞人忘夙夜老馬識陂平彈指晨曦上馳驅卅里程

過滿城東棗軒四弟

同年進士名元謙時爲滿城令

嚴更西郭趣征車

自保定西關啓行

縣界經過日上初塵鞅

乍勞通候騎驛亭遙悵隔仙居

棗軒冒寒未愈走人作餞

爲傾舊

緒綿綿處一灑新牋欸欸如此別定須何日晤相期

遠道數緘書

伏城驛野步

閒訪遺蹤步野莊鬚眉老父氣昂藏快談鞭撻督郵

處颯颯西風吹日黃

失渡

霜清月白曉雲開策馬緣沿水一隈行次偶迷津口  
渡野人遙喚過山來

相鄉旅壁客書西域聞見錄一則言郭罕回國人物  
甚異因拈韻紀之

林林有生徒軀殼皆如寄其歸橐籥中疇不同賦畀  
我稽西域國郭罕迺殊類男女體侏儒計尺不過二  
昂然魁梧者三尺號拔萃尚氣好鬥爭時欲逞怒恚  
語言微抵牾相向卽裂眦下若牛馬羣高與人不異

中亦有大駝內地驢一致惟羊多肥美長尺高不至  
家有數千頭競效賈人智驅來葉爾羌入市互貿易  
質得茶布歸詡獲錐刀利逆自開闢後品物滿天地  
雅經罄蒐羅空讀填腹笥西陲隸版圖慙未汎覽記  
聊從壁上觀輯入邊方志

入沙河界

催進溫州道黃沙沒馬蹄夕陽鞭影急昂首白雲嘶  
聞鶴

風日清高噉遠音羽毛曾寄一庭深卽今翹首南飛

去棲樹野鴉何處尋

讀邯鄲旅店無名氏題壁語有作

敘另錄

堯舜病安人恫瘝如在身誰其求民莫咨爾賢良臣有客  
此停鞅道然發遠想仁言十數行敦告牧民長垂念  
小人依爲謀食若衣比于嬰兒母卹卹相寒飢斯人  
我瞻企應是慈惠吏安得千百羣布于親民位與民  
計未然被髮扶將顛有年足菽粟無年籌賑獨庶曰  
貌無飾庶曰情無匿庶曰膏無屯庶曰生無嗇俾我

聖人民涵濡

聖人仁咸樂

聖人壽遊于

聖人春斯稱吏有道不視民如草進無負

國家退無慙父老我今遵楷模黽勉效馳驅敢以矢詩  
意周詢士大夫

磁州道上

百里金陽天氣和駢駢羈轡此經過遠山雪霽籠煙  
色寒水冰融蹴縠波聚落千家茅屋少溝塍一帶稻  
田多故園風景渾相似延佇旗亭悵薜蘿

偶感

大步不越谷大嚼不和腹橫股輕臚不如就塗噲喉  
美肉不如茹穀吁嗟乾乾乎便便逐逐乎蹙蹙

岳王廟

在湯陰縣

金牌趨召軍麾收英雄恨事賁千秋恢復無功父老  
泣北人談笑殲敵讎黃龍痛飲轉哀慘湯陰城樹烏  
啾啾惟有冠冕肅遺廟羣姦駢跪同幽囚安得寶刀  
一在手快傑門外鷓鴣頭

郭店晚步

隸新鄭縣

曉從烟際來晴樹掛旭照晚停郭鎮驂縱步恣遊眺  
閃倏過前溪清響咽衆妙延屬平郊外霞散紅于燒  
行行轉山村暝色接亭徼數四曝簷人拄杖餘歡笑  
稚童嬉屋角目睇口呼召移踵各舒遲攜入戶窸窣  
共居熙皞世渾爾忘塹峭愧我征塵勞對此一長嘯

銀條菜

食此於石固旅次詢  
之店人始得其名

柔白銀條菜新嘗野店家堆盤疑笋屑下箸詫薑芽  
齒沁清香遠脾和脆味嘉此根能咬斷底事羨穠華

抵汝水橋



驅馬襄城南鞭轡快遊騁緣沿石梁來汝水漾清冷  
飛鳥下遠空晚虹送波影野人亦忘機恬澹得素秉  
爾汝嬉灘外旋歸薜蘿楨須臾微風生四望息浮梗  
讀葉縣王孝子碑

屹屹昆陽城湯湯汝濱水我從道左讀穹碑請歌唐  
村王孝子汝旁有水漲新秋隔岸演劇鬼恣謀村人  
往觀各噂沓日暮歸來喧渡頭孝子偕父上小艇眾  
爭同渡方挺挺須臾中流紛踏翻七十餘人愴滅頂  
孝子落水忽上逃蒼黃救父慘呼號陰風馳闇怪雲

黑跳水一命輕鴻毛咽恨吞聲不聞哭血噴心腔水  
噴腹雙瞳炯炯雙拳掣跟鎗水底勢窮蹙水神乍見  
爲含悲導使子與父遇之求父復生苦已晚殉父同  
死甘如飴詰朝衆屍若浮蟻孝子尋亦抱父起兩手  
環結臥地僵鄰里顧視酸筋髓弔之哀詠築高墳白  
沙黃草愁紛紛長夜迴瀾激空岸精靈憤動如奔軍  
嗚呼江潭曹女其碣千古沈赫王生汝水之浦愚賤  
何知後世名血誠端足泣秋雨朗朗穹碑爭日光風  
聲應得賢侯樹

行人語春風

行人語春風春來生意盎宿草抽新萌枯楊稊欲放  
旅雁應候歸寒魚負冰上方待吹噓力萬有同欣暢  
涼飈起何處倏忽走平曠勾芒居異位遽失長養狀  
頗似暴客爲競與仁人抗葑屋多窮黎驚愕鯁鯁浪  
念我行役勞能無生惆悵敢告春風臺母乃乖所尚

春風語行人

春風語行人于役無決躁若論橐籥功何時不怙冒  
萬彙歸陶鑄焉能窮其奧近猛或爲仁過柔反成暴

山澤火以恩萑符水以盜今茲涼飈起如汗浹大號  
動蕩巖凝氣太和由以導譬若好雨來醲膏灑九隩  
不避泥塗怨是之謂大造爾憚行役勞胡不早高蹈  
雪夜有懷

獨倚疎燈坐蕭蕭雪夜寒涼英霏幕外愁思觸眉端  
淚隔松楸落雲回岬岬難嚴更不成寐那覺倦征鞍  
宿樊城

楚關賦行邁飛鞋指樊城雪映長堤曉煙霏晚樹晴  
市燈連月色人語雜江聲酒後涼宵枕晨鐘過又驚

渡襄水

過客如梭織襄江古渡頭一灣暄小艇兩岸逼危樓  
馬聳煙波颯人橫雪水眸縱觀天地際焉敢狎沙鷗  
望峴山

慨想風流跡城南縱目頻世如無此老

此老二字  
本杜詩山

竟爲誰新我與公殊代今猶昔愴神幾能追大雅不

負百年身

用叔子  
語意

墮淚碑

陵谷有遷變德勳無蔽虧士生三代下好名焉可嗤

峴山一片石斲樹羊公碑羊公亦已邈勝槩繫遐思  
應須百年後魂魄不傷悲

大堤行

大堤在襄陽城外

裊裊大堤樹濃濃大堤露城邊女兒來花艷待郎顧  
郎顧不一言已過大堤路

雪馬行

飄勃風生春氣寒行人曉度樂鄉關

棘荆門

控馬疾衝

煙霧去瓊屑瑞英紛遠天四圍峯壑空濛影不辨平  
陂望渺然鐵驄散蹄忽迸落有如翻踏大珠盤猛揀

污淖立深穩噴沫嘶風神氣閉君不見老驥伏櫪日  
昂昂千里思追攀馬乎馬平上達路焉肯顧畏筋力  
殫俛首泥塗任局促無意騰驤霄漢閒

遊荊州龍山

上之出九天下之入九淵噓氣滿大宅爲霖遍垓埏  
龍乎龍神矣神功安可擬水有龍則靈山亦應如此  
我過郢西城龍山望崢嶸下車一攀陟屐齒入煙輕  
有翁頗磊落導我躋岩崿瞥然眼界寬層臺俯巖壑  
霎時山吼雷滂沱好雨來醲膏膏原隰龍真神矣哉

神龍德施普此方快先睹我虔禱山靈四字以爲字

古廟

散步平堤外隨尋野刹來  
路穿寒水過門對夕陽開  
屋角風吹竹牆陰雪掩苔  
無人通警欬小立一裴裒  
贈公安張秀才時泰

寒餘猶見雪春至未聞雷  
古寺藏書笥深山隱茂才

豪情隨腕露

偶閱秀才新構  
古體詩二首

笑口向心開應有乘雲

日圖南萬里來

宿澧州水榭



薄暮停勞鞅聊謀此夜安不嫌依水宿猶自怯春寒  
枕上風鈴急街頭月柝殘雞號鐘又響行路敢辭難  
早渡蘭江

問渡蘭江浦東方尚未晞旋看晨厯厯漸聽語依依  
流水澹人影曉風吹客衣雲村多少戶猶自掩荆扉  
武陵道上

板輿輕度武陵谿風力微和馬力齊長吹一聲驚短  
夢牧童騎犢過前隄

大龍站

曉發灃陽輒武陵快催進春風藹然和羣動各騰振  
遊蜂知放衙戰蟻解排陣暖水蛙初鳴芳叢蝶遠趁  
照嫗物自私氣候密相印輕蹄前追跋龍站厯轉瞬  
未覓桃花源聊此駐鞅勒閒傍小橋行偶盼雲霞襯  
萬樹澹斜曛籠入波浪潤虹臥煙水深鳥投晚山峻  
牧豎摩牛羊樵人掛斧刃卽此悟消息昏旦悉効順  
天地大乘除端應細體認

偶題

山翁驚雨澄海客怯風舟色變因談虎心勞敢狎鷗

常德對雨

未趣程番道

貴州古  
程番地

聊依楚水潯自天來好雨爲客

洗塵襟對酒應澄慮敲詩亦寄心武陵添漲後忘却

逐流尋

過桃源

艇子平明蹴浪遲武陵峯壑望迷離行人不去尋仙

跡猶是塵心未了時

白石埠

在壺頭  
山畔

我沿白石埠有臺出巖腹見說伏波軍南征此棲宿

營壘孤月明旌旄晚風肅壺頭千載恨灘聲怒洄洑

耿耿餘精光至今鬱陵谷

武陵記曰壺頭山邊石窟內有蛇如百斛船大云是

將軍餘

靈也

上灘

莫謂灘水惡灘水譬良藥每當上灘時輕舟受回薄  
惴惴方寸地百妄都不作人能充此念前路必恢廓

從來別利器多應遇盤錯致福繇能恐无咎在惕若

困學紀聞語意

康衢僨車箱晏席藏劔鏑隙穴風易侵肥醴

味轉索君子生憂患那肯耽安樂敢告上灘人灘水

正不虐

水星寨

水星舊時寨高插楚江潭  
駘蕩千帆影空濛百尺嵐  
長天朝旭曠遠樹暮煙含  
安得凌峯頂盱衡快迥探  
舟夜有感

維舟長岸畔獨坐敞涼軒  
楚水春波影江鄉月夜痕  
悲深苞樹樹愴絕脊令原  
家長幾人在寄憐遊客言

漁子洞

入辰州  
沅陵界

一望蒼茫處漁子洞口灘  
怒聲自遠來層蹶危石端

小航無維纜飄蕩如跣丸受羈焉可柰飛渡良亦難  
獨有砥柱人猛起敵狂瀾進尺弗退寸破浪拋輕竿  
須臾過磷齒居然水鄉寬知險應出險懷安幾能安  
平生占利涉都作如是觀

望沅陵諸山

早鼓沅陵柁鴉銜河水湄纍纍擁屏障雲髻何參差  
不須矜峭絕時亦露清奇丹霞冒曉樹碧巘籠晴漪  
逝流舟亦迅翻訝衆山移

青浪灘

掛席麻衣泐纜子接雷回洞庭溪口上青浪抱舟來  
纜子雷回洞庭溪皆  
麻衣泐以上灘名 屈曲磯噴薄崩奔水滌洄舵轉  
巉石壁帆過亂峯堆衆流直截斷豁然生面開輕艇  
坐終日長風亦快哉

白容塘

小憩白容塘衆山迫以窅乳牀懸壁端雲竇出林杪  
松梢帶煙影蒙密連篁篠隱隱芳叢間乍聞喚春鳥  
喚得春輝來生意冒空曉

橫石灘

出險有同患防危無苟偷三船一家載銜尾泊磯頭  
應須齊衆志相視水剛柔如何排浪進一船篙虛投  
欲上頃未上遽爲水勾留中無佳歇處挽推號別舟  
從此見猛力務先爭上流落後偶輪却焉能快浮游

白龍山

辰溪灘漸平白龍臥長岸雲氣依山來超忽入天半  
野陰延晚昏巒旭豁初旦鳥驚投壁飛人怯仰崖看  
巍巍勢嶒嶒焉數羣峯燦所希遍爲霖四遠同泮渙

遊浦市



延眺長河潞浦市界三縣

沅陵瀘溪辰溪

偶思振健步借識

東風面曳履輕平沙寒衣過淺淀蹴踏雲樹間景光  
滿晴甸暮色自西來春街繞欲通行月吐白轉遡  
上流堰清艇倚一方投向路不眩小遊天倪和頗亦  
忘疲倦

聞雷

時二月八日

花朝七日來河畔乍聞雷大地聲同奮羣山鬱盡開  
破寒疏土脉送暖上春臺料想蓬萊外甘膏次第催

舟中對雨

晨曉風力微煙霧暝江上好雨浙瀝來滴響漸酣暢  
前峯半隱現一洗舊容狀白點落水虛暗添紋演漾  
舟子紛打槳輕蹴新鱗浪竹笠骨棕簑八景亦花樣  
相次趁長灘咿啞度幽曠漠漠雲溪外清境若神甦  
呼童夢方醒爲我啓春釀

雨霽

曉天開爽豁釀膏已昨夕林煙籠縵痕竇乳長泉脉  
四圍空宿塵一色綴新碧虛舫終日坐澹然冥心迹

鷓鴣灘

天下無閒人榜人亦有職欲覓生活途結伴守河側  
攬受客家載聊供水鄉食拚棄妻孥樂勞勞竭筋力  
時盼順帆行少紆憔悴色其如風在天十日不一得  
以此甘辛苦未遑耽晏息晨起刺笨船促迫及昏晨  
拋篙恐不曲引緯恐不直輕犯灘水狂冒穿石磯仄  
芒屨防崖滑寒衣怯雨逼暫宿風露棚困倦驚晷刻  
方希謀一飽米鹽仍節蓄尚有空匱時胸腹徒鬱塞  
亦是父母身艱瘁曷已極慙我坐舟中名爲身許

國終朝佚肢體五穀未曾識如何糜膏脂肝腸不悽惻

舟過沅州

漢巫唐澈倚雲潭

沅州漢巫縣唐後改爲澈州

壯與辰陽一氣涵

快掛春帆行畫裡風光何獨數江南

宿鵝灘聞山館書聲

讀書誰家子其聲清以幽乍破空山寂隨風到客舟  
客方深夜坐歎息憶曩疇曩疇厠孤館同此吟寒簾  
焉有志樹立不從辛苦求書以告兒輩無爲任沉浮

芷江牧人

春風煦煦和春草芊芊美牧人行放牛風草澹煙水

所望飼牛肥牛肥卽已矣前溪復後溪  
塵來母與子信口吹短角天籟自起止  
我欲與之言微茫隔涯淡

晚次羊屏

隸玉屏

溪雲輕澹樹煙微一帶林臯颺遠暉  
臨水石翻屏障出灌畦車引月輪飛

沿河多架筒車溉田

晚山僧自餐松臥春

逕人從采葛歸無限景光撩眼纈爭  
禁客思不依依贈玉屏胡秀才世簪

初入平溪路同君把臂新形骸忘爾  
汝肝膽屬吾人思自來朝切情猶夙  
昔親何時共仙侶重話舊江春

過玉屏懷洪書舟

名書紳戊戌同年

輕橈向晚入溪河無數鳧鷖掠夕波人去白雲山閣

在

時書舟官刑部員外

松聲竹韻聽來多

宿雞鳴關

臥艇江關外青溪五里遙酣春煙漠漠

二月爲酣春節本李賀樂

詞入社雨蕭蕭

時方社日

水鳥浮沙渚山僧度板橋夜來

晴月上星客坐招邀

自常德至鎮遠舟行二十四日却寄都門諸同好

纔到武陵拋客鞍星槎旋又趁長瀾左衝右突磷磷

石百折千回汨汨灘名勝祇憑舟子說波濤未共故人看此行獨爲

君恩重旋思縈牽近亦寬

飛雲巖

山於黔甸多奇峰奇峰都有靈秀鍾不知是崖來何處盤空突兀雲橫縱雲飛巖飛象恍惚大含元氣窮形容別有洞天鑿衆竅懸無倚著超凡庸客欲洞前證聖果還從天半窺仙蹤泠泠惟詫液流玉謾謾只驚風入松轉恐飛來復飛去飛去虛無雲又封爭得

天下靈境盡如是盪摩豪士磊落之心胸

大風洞

探奇覽勝清平路重疊峯巒快翹注天然靈窟依迴  
巖石門軒豁騁遊步初來驚聽潺湲聲漸入真饒決  
漉趣中有邱壑森開張與如曠如怪光露雙蟠老螭  
勢欲飛懷抱圓珠恣盼顧何時凝結石乳鐘形模酷  
肖若鎔鑄佇立俄刻過清冷騷騷獵獵大風度乘興  
尚思進追躡隔溪遽無寶筏渡要知深山大澤間名  
勝自有神呵護神境直憑神力通凡輩焉能鹵莽遇



自鎮遠至貴陽肩輿行八日

險水初過復險山連峰接岫力追攀路回馬首時摩  
踵輿掣人肩盡悴顏絕壁豈徒驚蜀棧重巖應不數  
秦關長途月日如星閃征邁寧辭道里艱

貴州省垣有作

參井分躔麗列星梁黔奕奕亘元形五溪水抱重巖  
險六詔雲開大地靈北枕巴山巖鎖鑰南通粵甸樹  
藩屏龍番鞏固成天府輻輳車輿指

帝庭

登甲秀樓

春樓南望樹參差  
芳杜洲連夢草池  
獨有澄潭涵碧  
落朝朝近映武鄉祠

早發貴陽

晨曦出東嶺  
僕馬邁匆匆  
溪水惟縈碧  
山桃自放紅  
依人多好鳥  
送客有春風  
睇目郊關外  
悠然萬慮空  
清明日途中有懷

往來南北隔家園  
道上清明悸客魂  
一十五年疑夢  
寐入千餘里  
信乾坤祇勞車馬馳  
遠路誰樹松楸鬱

墓門瞻矚晴郊紛祭掃那禁濺淚白雲原

蘆荻哨口號

東風送暖度層山澹沲春光最豁顏短淺藤蕪青厯  
厯澄空溪澗碧潺潺人喧樵唱歸幽徑鳥帶煙痕落  
小灣解識眼前生意滿紛繁心緒盡從刪

望金鰲山

一望陂陀十里程金鰲矗屭俯安平鬚腮鬱勃風隨  
黯頭角昂藏氣自橫啣日欲連山色動吼雲疑帶石  
聲鏗應借玉竦爲儔侶絕迹騰飛戾八瀛

石板房

普定多村落綢繆策亦良欲求身有寄感壘石爲房  
結構聊從樸堅深足守藏卽斯成廣廈庇覆信通方  
登安順城

興古城邊駐竹輿周環憑眺午晴初鬼方綏靖齊人  
俗蕃衆馴柔趁漢虛搏翠峰前多錦里羅仙關外盡  
春畬

皇風遐暢煙光爛那比中原遠不如

登鎮寧城

地分羅甸鬱崔嵬點綴春暉衆妙該日映東山珠斗  
燦雲橫南嶺畫圖開安莊曉閣延青入嘉樂清池送  
翠來縱覽不知神力倦襟裾拂處絕塵埃

不寐

春宵學睡未從容坐對疎人憶萬重斷續煙柳環市  
擊鏗鉤月碓隔鄰春尢喧隘巷鈴隨響馬蹴閒庭轡  
正鬆更有勞人驚聽處山僧促報五更鐘

白水河

銀河流皎潔噴薄石橋東潑潑源頭活溶溶脈絡通

珠光凝上界，練彩瀉遙空。望水亭邊，客清心略與同。  
永寧道上

振響查城界，凝眸景色饒。野田鋤早芋，山地種春蕎。  
竹粉新浮節，桐花漸出條。應時風長養，何處不宣昭。  
望鳳凰山

峰回梧竹外，隱約九苞禽。羽翼含飛動，文章望鬱森。  
不甘丹穴老，猶臥碧雲深。爲語巢阿閣，乘時發遠音。  
郎岱檄百舌

已是三春曙，奚煩百舌鳴。隨羣多反覆，滿口只縱橫。

山外新翻巧江南舊盜名有時餘興竭知爾定無聲  
拉幫坡

層山峻詰屈一望路盤桓獨步心常駭齊肩力亦殫  
登疑從善易下悟立身難視履占元吉平陂仔細看  
自毛口行歷諸坡

毛口江初渡馳驅廿四坡低昂穿曲卻礫柯出巖阿  
石立人同仰潭空鳥獨過平生居易慣歷險得觀摩  
老鷹巖

窄峯崩劣乎入黔崇山日日逢險莫險於普安縣界

之高峰形伴鷲鳥倚霄漢毛翮稜稜森劒鋒邈世雄  
姿匹儔少孤飛迥立驚遊蹤我來下馬振衿袂擲却  
長鞭攜短笻石氣襲衣訝雨過嵐光籠樹疑雲封攀  
緣巖頂一日睇唯有榛莽蒙密藤蘿穠鷹乎鷹乎爾  
不見鳳集梧桐鶴摩松鴟變音於魯泮鷺舒翼於周  
雖曷爲爾羽爾尾無鞢條曲盤爪距橫要衝徒使往  
來行客汗濡背息喘胸爲爾憔悴平生容

南車坡

行經上寨沿河流庚戌橋邊雙緯道南車險坡進追



陟人如負輓登陁牛左右齊力各呼叫奮攀高磴窺  
深湫輿子中途忽躑躅駐肩揮汗風颼颼娟娟仙泉  
出石穴張口吸飲躬卑投驀凌山頂一長笑苧繩解  
脫胸板收向前無復慮坎宥跬步安徐馳道周吾徒  
閱歷每盤錯壯士從來防苟偷生有天地四方志鷓  
鴒繞樹空鉤輓

入雲南界

黔山千里路盤紆行屆滇南氣象殊岫嶺漸開平遠  
勢村家多在水雲區春隨眼纈捲煙景風送肩輿入

畫圖觸處川原饒勝槩壯心何事怯征途

登關嶺觀諸葛武侯平南碑

諸葛丞相隆中起盡淬光輔漢天子大義不辭討賊  
難遠謨先自征蠻始深入邊徼方五月恍恍旄旗渡  
瀘水擒縱會長嚴天威南人自是不反矣從容唱凱  
旋六師巍巍關嶺列軍壘羣夷率部投款來稽首聽  
命若蜂蟻罔繼至今鬱蒼翠九字豐碑波磔美碑書漢武  
侯平南會盟於此九字於惟我侯積丹赤炳於日月照青史恢  
恢遺跡留是山登覽摩挲慨何已

板橋偶成

旗亭日午鵝鶩驟小步閒遊興偶酣行過柳堤穿曲  
徑到來花圃面澄潭幾家茅屋炊煙動無數春田麥  
氣涵隨意尋芳隨處得此中風味其誰參

入省城

出祖京華臘正寒南行百日脫征鞍三春花草途中  
發萬里湖山馬上看跋涉不辭臣力瘁尋常思報  
帝恩難二千石祿今叨竊恐比曹郎愧素餐

屠二笏巖紳由尋甸牧移官廣州別駕出梅花冊子

索詩偶成長句卽贈

先生江國之豪士，倜儻風流絕倫比。  
癖性最愛梅花芳，不數紛紛桃與李。  
作宦此邦餘十年，履衫脫略樽酒前。  
縱橫意氣露肝膽，狂呼自稱姑射仙。  
今日移官向東粵，告所往來戒晨發。  
晴閣有梅方盛開，圖畫索題興超越。  
此花不競羣花名，丰韻同君澹以清。  
嶺外新枝足縮結，滇中舊萼尤關情。  
我自客秋識君晚，春初復送君行遠。  
贈君愧少仁人言，冰雪精神此繼繼。  
和袁十三蘇亭文揆贈行元韻卽以誌別。

昔君寓藩幕我爲畷町守傾心通候初遂訂金蘭友  
氣誼託文章切劘追韓柳大業勤推闡攜我列席右  
茲將謀東返在君西歸後三年曠不見睇想幾回首  
一會合良亦難別離豈堪賦魚書從西來殷勤勞遠  
注細寫同心言縷縷託毫素我正求友聲感君好音  
寓身絆昆海濱夢飛潞江路時月生鄙吝能無懷叔  
度二蘭州舊時吏磊磊大丈夫慷慨報知己隻身泛  
江湖不驚道路險靈息田園蕪歸來頭已白花萼尋  
歡娛宿好集枌社樂意與之俱君子重出處曹輩有

楷模三十年解組晚歸軫仍留滯下簾展讀爲送

長畫計壺觴或孤斟甘淡情不繫仰荷良友貺重於  
千束幣勁幹可以風純金可以礪閑性佩韋茲箴言

尚遠惠四

行部納樓九首  
有序

臨安所屬納樓土司地方南與南掌夷國以黑江  
爲界乙卯初夏南掌小王召溫猛因與本國用事  
人不協逃至黑江北岸納樓烈嗎渡口求入內地  
經土官普澤堵禦而去復繞道千里至普洱納之

是時普洱守吳大雅兼護迤南道篆通稟上憲稱  
係烈嗎渡役引入臨安元江一帶轉抵普洱七月  
初七日又以夷民尾隨至普洱者三百四十人是  
否係渡役爲之嚮導檄往確查卽日會營員起程  
過澧社江得不須往查之檄乃反

羽檄南來恍惚端防邊西走未遑安旌移白水秋風  
急馬渡慈雲暮色寒夷衆望迎嚴跪拜土司瞻謁肅  
衣冠遐方久凜

皇威赫那待今朝振策看

抵波巖

行役夷庭悵漏天濛濛秋雨四山連竹坡蕭颯吹寒  
響松壑琤淙激急泉蹴石每愁奴脚滑衝泥常怯馬  
蹄懸來朝又上芭蕉嶺爲語勞人暫息肩

渡澧社江

鞭轡悠悠入徼荒臨江小立望蒼涼欲巡烈嗎人三  
百先渡勾施水一方雨捲長風迷遠岸天包大地過  
輕航應知涉險憑忠信何必波濤不暫狂

潮音寺東樓眺望



東西南北共

皇州繫馬林亭上此樓老樹縱橫穿石出清泉咫尺向溪  
流簾棚竹舍人安堵白黍黃梁歲有秋爲語邊庭蒼  
赤道光天化日爾同遊

偶感

薄宦都門十五年匆匆領郡走南天半生事業成孤  
往百感心思怯共傳觀水幾人臨大海登山何日到  
崇巔侵尋歲月身將老振袂依風望巽然

過官廳

聖皇中外總同仁茶甸村居習俗醇共喜偕遊

堯舜日長爲此地葛懷民稻粱早辦供租稅時節猶能事  
鬼神歷視夷方夷性革如何動欲犬羊人

示納樓民

三代之民亦此民雙旌偶過覺情親每薰香案迎官  
長時握茶瓶餽吏人與爾曾無加惠處依予都是力  
耕身來來切聽丁寧語不到公庭樂最真

旋署遇雨

飄蕭車馬度邊關雲氣重圍寺外山密雨灑從高蓋

頂寒澌流入小溪灣野人隨意棲巖畔歸鳥無聲在  
樹間獨有勞勞行遠客泥塗混濁未曾閒

雨中歎輿子

倏忽風生雨颯然長途夫役劇堪憐芒鞋鐵鞞愁舒  
步滑磴危巖怯竦肩寒水過時方股栗濃雲起處又  
魂牽忍將人子牛羊用誰惜閭門望眼穿

附錄南旋草

二十七首

道武清

驟馬南歸客花封取道行曉涼秋欲到新爽雨初晴

繡陌迎朱轡香林送彩旌前途戴星者爲喜布循聲

次滄州

迢迢長蘆岸冥冥秋柳陰魚寒怯淺水鵲晚棲深林  
澹蕩煙歸壑澄空月在潯舟中無一事聽客理清琴  
宿二十里埠

臨關南下晚纜繫夕陽痕一帶寒煙浦孤舟夜雨村  
開樽思月露翦燭惜花繁涼後聽梧葉翻然憶故園  
早發東昌

啓櫺聊城外晨曦未吐明檣風齊馬力郭雨雜雞聲

水引長堤遠心隨一枕清從知機活潑觸處自流行

野步

艤舟聊野步旋折入農村樹長方齊屋雲深欲護門  
成行列兒女生理足雞豚此老真醇樸那知塵外喧  
阿城宿雨

帶雨阿城宿方舟竟夜清風來知酒力水過助秋聲  
籠鳥時相語村驢間一鳴偶思乘倦臥懶寤不勝情  
入法明寺

暫停涵洞權閒踏野橋林古剎橫河背枯僧臥樹陰

過庭驚宿犬對壁認來禽忽聽疎鐘起誰參空外音

食菜

我欲將斯味周詢士大夫亦從辛苦得寧與脆甘殊  
席上風清淡民間色有無其中能見大老圃可如吾  
濟寧待開

待開任城下輕橫一葉偏人過紅蓼岸鳥散碧梧天  
急柝敲涼月疎鐘咽曉煙河濱偶留滯爲盼會通船  
遊南池

賓主風流會言尋水一方入門穿曲徑過榭下迴廊

樹老堆秋色池平逼晚涼南樓謫仙近勝跡共輝光  
拜少陵祠

小艇依秋水南池謁蓋臣讀詩知有史瞻像見其人

綠蘚文章跡青氈稷契身高風足千載大雅此扶輪

望太白樓

壬辰舟次濟寧與同人共登此樓得瞻遺像戊戌假旋停舟再至則樓門深鎖勝槩

寂如佇立裴裒未知何日

復伸此惆悵也詩以志感

城隅異天末樓閉暮煙深遺像應如昨蒼涼望自今  
秋風號屋角落日黯牆陰明月方東上悠悠此去心

謁

仲廟

義勇如

夫子綱常藉不傾孝思百里米忠膽一冠纓事豈慙人  
鬼知真貫死生廟中遺像在河嶽耀光明

夜過南陽

南陽新漲後四望鑑空明市近湖心險波侵屋脚平  
秋菱搖月影夜罟亂煙聲三五乘風客如鞭快馬行  
泊馬家埠

秋宵行馬埠明月上魚臺遠角微雲起平山驟雨來



檣簷聽水溜船尾識風迴晨曉清波定圓靈鏡又開  
眺嶧湖

延眺韓莊口湖山曠以幽雲含新雨氣水混遠天秋  
直港千帆出遙峰一角浮坎流兼艮止卽此足推求  
中秋邳州對月

江南初入夜把酒對圓輝鏡裏人同望舟中客未歸  
一身清有影千里獨相依坐到更深後寒光欲透肌  
渡河

曉渡黃河水秋高白露天望中羣派合雲際一帆懸

元氣含蒼莽長風快轉旋須臾泊南岸渾似汎平川  
既濟廟前觀舟

風神壩外客過涉不辭難冒險投前浦凌空下急湍  
舟從波裡出人性岸頭看應有中流柱長淮一障瀾  
過淮安

曉發清江浦雲帆下溜平煙生移板闌茗熟過淮城  
樹杪看風色船頭聽水聲順流真快境自在一毛輕  
下寶應

百二安宜道來舟自射陽朝移蘆荻岸暮指藕菱塘

城郭齊湖水風煙隱月檣榜人歌楚調疑下小滄浪  
揚州歸思

廣陵初過舫有客坐蕭蕭遠水三千里清風廿四橋  
箏箏喧月市冠蓋耀星船見說揚州好其如梓里遙  
儀徵有懷

清宵謀一醉佇立思沉沉海氣通瓜步江風度皂林  
月留爲客影潮送到家心怎似南飛鴈成行響遠音  
燕子磯

燕子何年到昂藏此一磯春深巢雨幕秋迥掠霜翬

翦盡江南水裁成海上衣朝朝身北向欲望

帝城飛

雙忠廟

魯江

奕奕雙忠廟泚泚一水涯同仇存社稷正氣蔽江淮  
賊命真蜉蟻藩兵亦虎豺想應風雨夜駢首伏堂階  
舟中玩菊

舟中同隱士把菊對佳辰帶雨如依我經霜似傲人  
猶存彭澤意無數杜陵新風韻留千古翛然遠俗塵

弔二生祠

詳見北  
上偶錄

二士成仁日孤軍失利秋短歌悲守土長哭委深溝  
節義從其正詩書遂所求姓名今寂寞亭水其悠悠